

AKTA PASARAN MODAL DAN PERKHIDMATAN 2007

PERATURAN-PERATURAN PASARAN MODAL DAN PERKHIDMATAN (PINDAAN) 2021

PADA menjalankan kuasa yang diberikan oleh subseksyen 378(1) Akta Pasaran Modal dan Perkhidmatan 2007 [*Akta 671*], Suruhanjaya, dengan kelulusan Menteri, membuat peraturan-peraturan yang berikut:

**Nama dan permulaan kuat kuasa**

1. (1) Peraturan-peraturan ini bolehlah dinamakan **Peraturan-Peraturan Pasaran Modal dan Perkhidmatan (Pindaan) 2021**.

(2) Peraturan-Peraturan ini mula berkuat kuasa pada 1 Julai 2021.

**Penggantian peraturan 8**

2. Peraturan-Peraturan Pasaran Modal dan Perkhidmatan 2012 [*P.U. (A) 474/2012*], yang disebut “Peraturan-Peraturan ibu” dalam Peraturan-Peraturan ini, dipinda dengan menggantikan peraturan 8 dengan peraturan yang berikut:

**“Fi yang kena dibayar kepada Suruhanjaya**

8. (1) Fi yang berikut hendaklah kena dibayar kepada Suruhanjaya:

(a) fi berkenaan dengan suatu bursa saham, bursa derivatif atau pusat penjelasan sebagaimana yang dinyatakan dalam Jadual 2;

(b) fi berkenaan dengan seorang pengendali pasaran diiktiraf sebagaimana yang dinyatakan dalam Jadual 3;

(c) fi berkenaan dengan—

(i) Lesen Perkhidmatan Pasaran Modal;

- (ii) Lesen Wakil Perkhidmatan Pasaran Modal;
- (iii) pendaftaran orang yang menyediakan perkhidmatan pasaran modal;
- (iv) pendaftaran orang yang ditentukan oleh Suruhanjaya dalam garis panduan; atau
- (v) apa-apa fi lain yang kena dibayar di bawah Bahagian III Akta,

sebagaimana yang dinyatakan dalam Jadual 4.

(2) Bagi maksud perenggan 1(c), Suruhanjaya boleh mengenakan fi lewat bayar tidak melebihi satu ratus ringgit untuk setiap hari atau mana-mana bahagian daripadanya yang pembayaran itu lewat, tertakluk kepada maksimum tiga ribu ringgit, jika fi yang ditetapkan itu tidak dibayar pada tarikh fi itu perlu dibayar bagi aktiviti yang berikut:

- (a) perenggan 3, 4 dan 5 Bahagian I;
- (b) perenggan 3 dan 4 Bahagian II;
- (c) perenggan 2 Bahagian III;
- (d) perenggan 2 di bawah kepala “Wakil Pemasaran” dan perenggan 3 di bawah kepala “Wakil Dagangan” Bahagian IV; dan
- (e) perenggan 1 dan 5 Bahagian V.”.

**Penggantian Jadual 2**

3. Peraturan-Peraturan ibu dipinda dengan menggantikan Jadual 2 dengan jadual yang berikut:

“JADUAL 2  
[Perenggan 8(1)(a)]

Fi berkenaan dengan suatu bursa saham, bursa derivatif atau pusat penjelasan

No.	Aktiviti (1)	Fi (2)
1.	Permohonan untuk kelulusan pertubuhan perbadanan sebagai suatu bursa saham atau bursa derivatif di bawah seksyen 8 Akta	RM1,000.00
2.	Kelulusan permohonan pertubuhan perbadanan sebagai suatu bursa saham atau bursa derivatif di bawah seksyen 8 Akta	RM10,000.00
3.	Permohonan bagi kelulusan untuk menubuhkan atau mengendalikan suatu pusat penjelasan di bawah seksyen 38 Akta	RM1,000.00
4.	Kelulusan permohonan untuk menubuhkan atau mengendalikan suatu pusat penjelasan di bawah seksyen 38 Akta	RM10,000.00

**Jadual baharu**

4. Peraturan-Peraturan ibu dipinda dengan memasukkan selepas Jadual 2 jadual yang berikut:

“JADUAL 3  
[Perenggan 8(1)(b)]

Fi berkenaan dengan seorang pengendali pasaran diiktiraf

No.	Aktiviti (1)	Fi (2)
Am		
1.	Permohonan bagi pendaftaran sebagai seorang pengendali pasaran diiktiraf di bawah subseksyen 34(1) Akta	RM5,000.00

2.	Fi tahunan yang kena dibayar oleh seorang pengendali pasaran diiktiraf	RM50,000.00 yang kena dibayar pada tarikh yang ditentukan oleh Suruhanjaya
<b>Penjalanan Pengumpulan Dana</b>		
3.	Fi berkenaan dengan penjalanan pengumpulan dana melalui suatu tawaran bursa permulaan	RM20,000.00+0.05% daripada jumlah keseluruhan yang akan diperdapatkan
4.	Fi berkenaan dengan penjalanan pengumpulan dana selain tawaran bursa permulaan	0.05% daripada jumlah keseluruhan yang diperdapatkan atau dibiaya melalui platform itu sepanjang tahun itu
5.	Penyerahsimpanan kertas putih	RM500.00
<b>Dagangan</b>		
6.	Fi berkenaan dengan dagangan sekuriti atau derivatif dalam suatu pasaran diiktiraf	0.01% daripada jumlah transaksi penjualan dan pembelian sekuriti atau derivatif yang dilakukan di platform yang dikendalikan oleh pengendali pasaran diiktiraf bagi tahun itu

JADUAL 4  
[Perenggan 8(1)(c)]

BAHAGIAN I

Fi berkenaan dengan Lesen Perkhidmatan Pasaran Modal di bawah seksyen 58 Akta

No.	Aktiviti (1)	Fi (2)
1.	Permohonan bagi— (a) lesen; atau (b) pengubahan lesen	RM50.00
2.	Kelulusan permohonan bagi pengubahan lesen	RM100.00
3.	Pengemukakan Laporan Tahunan bagi Kelulusan Aktiviti	RM50.00

4.	Fi yang kena dibayar oleh pemegang lesen yang merupakan suatu syarikat pada tarikh ulang tahun lesen bagi tempoh dua belas bulan atau mana-mana bahagiannya bagi— (a) mana-mana aktiviti terkawal pertama; (b) setiap aktiviti terkawal berikutnya *	RM2,000.00 RM1,000.00
5.	Fi yang kena dibayar oleh seorang pemegang lesen yang merupakan seorang individu pada tarikh ulang tahun lesen bagi tempoh dua belas bulan atau mana-mana bahagiannya bagi suatu aktiviti terkawal	RM1,000.00

\* Jika pada bila-bila masa semasa tempoh sah Lesen Perkhidmatan Pasaran Modal itu, pemegang lesen itu membuat permohonan untuk mengubah lesen itu atau untuk menambah aktiviti terkawal berikutnya, fi lesen yang kena dibayar bagi aktiviti terkawal berikutnya itu hendaklah diproratakan mengikut tempoh lesen bagi aktiviti terkawal berikutnya itu yang bermula apabila mendapat kelulusan aktiviti terkawal berikutnya itu.

## BAHAGIAN II

Fi berkenaan dengan Lesen Wakil Perkhidmatan Pasaran Modal di bawah seksyen 59 Akta

No.	Aktiviti (1)	Fi (2)
1.	Permohonan bagi— (a) lesen; atau (b) pengubahan lesen	RM50.00
2.	Kelulusan permohonan bagi pengubahan lesen	RM100.00
3.	Pengemukakan Laporan Tahunan bagi Kelulusan Aktiviti	RM50.00
4.	Fi yang kena dibayar oleh pemegang lesen pada tarikh ulang tahun lesen bagi tempoh dua belas bulan atau mana-mana bahagiannya bagi suatu aktiviti terkawal	RM200.00

\* Jika pada bila-bila masa semasa tempoh sah Lesen Perkhidmatan Pasaran Modal itu, pemegang lesen itu membuat permohonan untuk mengubah lesen itu atau untuk menambah suatu aktiviti terkawal berikutnya, fi lesen yang kena dibayar bagi aktiviti terkawal berikutnya itu hendaklah diproratakan mengikut tempoh lesen bagi aktiviti terkawal berikutnya itu yang bermula apabila mendapat kelulusan aktiviti terkawal berikutnya itu.

### BAHAGIAN III

Fi berkenaan dengan pendaftaran orang yang menyediakan perkhidmatan pasaran modal di bawah seksyen 76A Akta

No.	Aktiviti (1)	Fi (2)
1.	Permohonan bagi pendaftaran sebagai seorang penyedia perkhidmatan pasaran modal	RM10,000.00
2.	Fi tahunan yang kena dibayar oleh seorang penyedia perkhidmatan pasaran modal	RM5,000.00 dibayar pada tarikh yang ditentukan oleh Suruhanjaya

### BAHAGIAN IV

Fi berkenaan dengan pendaftaran orang yang ditentukan oleh Suruhanjaya dalam garis panduan

No.	Aktiviti (1)	Fi (2)
<b>Wakil Pemasaran</b>		
1.	Pemberitahuan kepada Suruhanjaya mengenai mana-mana individu yang telah berdaftar dengan prinsipal	RM250.00 untuk setiap individu
2.	Fi yang kena dibayar pada tarikh ulang tahun pendaftaran seorang individu dengan prinsipalnya bagi tempoh dua belas bulan atau mana-mana bahagiannya	RM200.00 untuk setiap individu
<b>Wakil Dagangan</b>		
1.	Permohonan bagi pendaftaran	RM50.00
2.	Kelulusan permohonan bagi pendaftaran	RM200.00

3.	Fi yang kena dibayar pada tarikh ulang tahun pendaftaran bagi tempoh dua belas bulan atau mana-mana bahagiannya	RM200.00
----	---	----------

#### BAHAGIAN V

Fi berkenaan dengan apa-apa fi lain yang kena dibayar di bawah Bahagian III Akta

No.	Aktiviti (1)	Fi (2)
1.	Penyerahsimpanan atau deposit dokumen	RM20.00 untuk setiap penyerahsimpanan atau deposit
2.	Salinan cabutan daftar yang dikehendaki untuk disimpan oleh Suruhanjaya di bawah seksyen 77 Akta	RM10.00 untuk setiap salinan
3.	Salinan cabutan daftar yang diberikan oleh Suruhanjaya di bawah seksyen 88 Akta	RM10.00 untuk setiap salinan
4.	Salinan lesen yang diperakui sah	RM50.00 untuk setiap salinan
5.	Penyerahsimpanan mana-mana dokumen lain kepada Suruhanjaya jika tiada fi diperuntukan secara khusus	RM50.00 untuk setiap dokumen

..

Dibuat 22 Jun 2021

[GC(LR)1/2021(286) Capital Market and Services (A) Regulations 2021;  
PN(PU2)662/XIV]

DATUK SYED ZAID ALBAR  
*Pengerusi*  
*Suruhanjaya Sekuriti Malaysia*

Diluluskan 28 Jun 2021

[MOF.SID(S)700-1/2/13(SK.2); PN(PU2)662/XIV]

TENGGU DATUK SERI UTAMA ZAFRUL BIN TENGGU ABDUL AZIZ  
*Menteri Kewangan*